



KARTA YA D'AR BREZHONEG



EVIT DIORREN PADUS
AR BREZHONEG
ER C'HUMUNIOÙ



Ofis Publik ar Brezhoneg
Office Public de la Langue
Bretonne


Ya d'ar brezhoneg

Ar c'houlzad Ya d'ar brezhoneg a oa bet roet lañs dezhañ e 2001 da-geñver bloavezh ar yezhoù en Europa.

Aozet eo ar c'houlzad evit holl obererien ar vuhez sokial hag armerzhel, evit broudañ anezho da zivizout ober traoù fetis evit ma teuo ar brezhoneg da vezañ implijet en o mont endro pemdeziek.

D'ar 5 a viz Here 2001, pa oa bet digoret ar c'houlzad, e oa 177 framm hag o doa sinet. Bremañ ez eus ouzhpenn 650 siner. Ur skeudenn eus ar gevredigezh vreizhat en he fezh eo ar frammoù-se ha diskouez a reont pegen liesseurt eo-hi. E-touez ar sinerien e kaver kevredigezhioù evel-just, met ivez kalz embregerezhioù, stalioù, sindikadoù, kluboù sport, mediaoù ha frammoù all c'hoazh...

Dasparzh ar sinerien dre c'hennad



Gwelet a reer splann war ar grafik pegen emouestlet eo bed an armerzh er c'houlzad pa'z a d'ober muioc'h eget 56,94% eus ar sinerien (ar gennadoù a zo merket o dregantadoù e diavaez ar grafik zo eus bed an armerzh). Ar re o deus bet sinet Ya d'ar brezhoneg o deus kaset kalz traoù fetis da benn : stummadur micherel, panellerezh, bruderezh, plaketennoù kelaouiñ...



Digeriñ Ya d'ar brezhoneg d'ar c'humunioù

Da-heul ar berzh en deus graet ar c'houlzad Ya d'ar brezhoneg er bed prevez, en deus divizet Kuzul-merañ an Ofis kinnig d'ar c'humunioù sinañ Ya d'ar brezhoneg ivez.

Lakaat unan eus elfennoù pennañ ar vuhez foran da gemer perzh en adperc'hennidigezh ar brezhoneg eo ar pal. Ar c'humunioù zo strollegezhioù tost d'ar geodedourien ha d'o buhez pemdeziek. Un darn vras eus ar savadurioù foran hag eus ar servijoù zo en o dalc'h ha kalz difraeoù melestradurel a vez graet enno.

Abalamour da se ez a an Ofis Publik davet ar c'humunioù pa c'hallont drezo o-unan lakaat ar brezhoneg da zont war wel er vuhez foran hag e buhez pemdeziek o annezidi.

Meur a gumun o deus graet traoù evit ar brezhoneg dija : staliañ plakennoù straed divyezhek, panelloù divyezhek da vont e-barzh pe e-maez ar c'hêrioù, kartennoù-bizit pe paperoù talbennet an dilennidi en div yezh, reiñ da anavezout ar c'houlzad Ya d'ar brezhoneg da embregerezhioù o c'humun...



Pierre Queinec
Maire-Adjoint de Kervras
Délégué à la Santé et à la Sécurité Alimentaire

Mairie - XXXXX CEDEX
Tél : 02 XX XX XX XX - Fax : 02 XX XX XX XX
Courriel : pierrequeinec@mairie-kervras.fr

Per Keineg
Eilmaer Kervras
Dileuriet evit ar Yec'hed hag ar Surentez Voued

Tl-kêr - XXXXX CEDEX
Fpa : 02 XX XX XX XX - Pfr : 02 XX XX XX XX
Pvstol - perkeineg@mairie-kervras.fr

En ur zoujañ d'ar framm gwirel a-vremañ e c'hall dilennidi Breizh ober un dra bennak evit saveteiñ ar brezhoneg ha kemer anezhañ e kont e buhez ar gevredigezh : war an hent-se e vo un dra a-bouez kemer perzh er programm testeniekaat ar c'humunioù "Ya d'ar brezhoneg".

Ar 4 live testeniekaat

Er c'houlzad a-ratozh kaset d'ar c'humunioù en deus dibabet an Ofis Publik ober gant un testeniekadur a roio tu d'ar c'humunioù da zibab etre meur a label ha da dapout unan anezho. Al label a vo diouzh emouestl ar gumun ha diouzh doare an oberoù zo bet dibabet seveniñ.

Gant Ofis Publik ar Brezhoneg e vo kinniget d'ar c'humunioù dibab an oberoù a fello dezho seveniñ a-douez ur roll 40 kinnig. Lod eus an oberoù a vo ret kas da benn, re all a vo hervez c'hoant pennadurezhioù kêr.

Testeniekadur "Ya d'ar brezhoneg" 01

Al live testeniekadur diazez eo. Evitañ e vo ret d'ar c'humunioù dibab 5 ober da nebeutañ a-douez an 40 a zo kinniget. Ret-holl eo an ober niv. 1. Hervez c'hoant pennadurezhioù kêr eo ar 4 all.

Ar gumun sinet ar garta ganti a ouestl seveniñ an oberoù dibabet ganti a-benn bloaz, 2 vloaz pe 3 bloaz, hervez he c'hoant.

Pa vo sinet ar garta gant ar gumun e vo enskrivet war renk an testeniekadur "Ya d'ar brezhoneg" 01. Ur wech deuet an termen e vo roet al label dezhi hervez an oberoù sevenet.

Pa vo bet roet al label d'ar gumun e vo enskrivet war roll ar c'humunioù testeniekaet "Ya d'ar brezhoneg" 01. D'ar mare-se e c'hallou goulenn mont war ar renk evit un testeniekadur uheloc'h.

Ma n'eo ket deuet ar gumun a-benn da seveniñ an oberoù a-raok an termen lakaet ganti, e c'hallou klask tapout an testeniekadur en-dro, en ur zibab un termen all. M'emañ kont evel-se e vo miret hec'h anv war roll ar c'humunioù a zo war renk an testeniekadur "Ya d'ar brezhoneg" 01.

Testeniekadur "Ya d'ar brezhoneg" 02

Ar c'humunioù o do choazet al live testeniekadur-mañ a vo ret dezho dibab 10 ober da nebeutañ a-douez an 40 a zo kinniget. Ret-holl eo an oberoù niv. 1, 2, ha 3. Hervez c'hoant pennadurezhioù kêr eo ar 7 all.

Ar gumun sinet ar garta ganti a ouestl seveniñ an oberoù dibabet ganti a-benn bloaz, 2 vloaz pe 3 bloaz, hervez he c'hoant.

Pa vo sinet ar garta gant ar gumun e vo enskrivet war renk an testeniekadur "Ya d'ar brezhoneg" 02. Ur wech deuet an termen e vo roet al label dezhi hervez an oberoù sevenet. Pa vo bet roet al label d'ar gumun e vo enskrivet war roll ar c'humunioù testeniekaet "Ya d'ar brezhoneg" 02. D'ar mare-se e c'hallou goulenn lakaat hec'h anv evit un testeniekadur uheloc'h.

Ma n'eo ket deuet ar gumun a-benn da seveniñ an oberoù a-raok an termen lakaet ganti da zevezh ar sinadur, e c'hallou klask tapout an testeniekadur en-dro, en ur zibab un termen all. M'emañ kont evel-se e vo miret hec'h anv war roll ar c'humunioù a zo war renk an testeniekadur "Ya d'ar brezhoneg" 02.

Testeniekadur "Ya d'ar brezhoneg" 03

Ar c'humunioù o do choazet al live testeniekadur-mañ a vo ret dezho dibab 15 ober da nebeutañ a-douez an 40 a zo kinniget. Ret-holl eo an oberoù niv. 1, 2, 3, 7, 8, 16, 18 ha 28. Hervez c'hoant pennadurezhioù kêr eo ar 7 all.

Ar gumun sinet ar garta ganti a ouestl seveniñ an oberoù dibabet ganti a-benn bloaz, 2 vloaz pe 3 bloaz, hervez he c'hoant.

Pa vo sinet ar garta gant ar gumun e vo enskrivet war renk an testeniekadur "Ya d'ar brezhoneg" 03. Ur wech deuet an termen e vo roet al label dezhi hervez an oberoù sevenet. Pa vo bet roet al label d'ar gumun e vo enskrivet war roll ar c'humunioù testeniekaet "Ya d'ar brezhoneg" 03.

Ma n'eo ket deuet ar gumun a-benn da seveniñ an oberoù a-raok an termen lakaet ganti da zevezh ar sinadur, e c'hallou klask tapout an testeniekadur en-dro, en ur zibab un termen all. M'emañ kont evel-se e vo miret hec'h anv war roll ar c'humunioù a zo war renk an testeniekadur "Ya d'ar brezhoneg" 03.

Testeniekadur "Ya d'ar brezhoneg" 04

Ar c'humunioù o do choazet al live testeniekadur-mañ a vo ret dezho dibab 30 ober da nebeutañ a-douez an 40 a zo kinniget. Ret-holl eo an oberoù niv. 1, 2, 3, 7, 8, 11, 12, 14, 16, 18, 24, 25, 28, 29, 32, 34, 35, 37, 39 ha 40. Hervez c'hoant pennadurezhioù kêr eo an 10 all.


Ar gumun sinet ar garta ganti a ouestl seveniñ an oberoù dibabet ganti a-benn bloaz, 2 vloaz pe 3 bloaz, hervez he c'hoant.

Pa vo sinet ar garta gant ar gumun e vo enskrivet war renk an testeniekadur "Ya d'ar brezhoneg" 04. Ur wech deuet an termen e vo roet al label dezhi hervez an oberoù sevenet. Pa vo bet roet al label d'ar gumun e vo enskrivet war roll ar c'humunioù testeniekaet "Ya d'ar brezhoneg" 04.

Ma n'eo ket deuet ar gumun a-benn da seveniñ an oberoù a-raok an termen lakaet ganti da zevezh ar sinadur, e c'halla klask tapout an testeniekadur en-dro, en ur zibab un termen all. M'emañ kont evel-se e vo miret hec'h anv war roll ar c'humunioù a zo war renk an testeniekadur "Ya d'ar brezhoneg" 04.

Skeudenn an testeniekadur :

Pa vint bet labelaet gant an Ofis Publik e c'hello bezañ graet brud tro-dro d'o label gant ar c'humunioù dre staliañ ur banell mont-tre skoueriekaet* a lakaio war wel pelec'h int en em gavet gant ar c'houlzad « Ya d'ar brezhoneg ».



** koust ar banell : tro-dro da 150 euro HT
(ment : 500 x 650)*

Mont en-dro ar garta Ya d'ar brezhoneg

1^{añ} tennad :

Emgav gant un dileuriad eus an Ofis Publik evit ober ar poent war stad ar brezhoneg er gumun hag ar pezh a c'haller bezañ e-sell d'ober, hag evit **spisaat an oberoù** a fell d'ar gumun gouestlañ seveniñ.

2^l tennad :

Goude bezañ **anvet daou zen-dave** evit evezhiañ penaos e vo lakaet ar garta da dalvezout (un dilennad hag ur gwazour tiriadel), e vo votet **un diviz** er c'huzul-kêr, hag a spisay :

- peseurt label a glasker tapout,
- peseurt oberoù zo bet dibabet
- a-benn pegeit e vo sevenet an oberoù gant ar gumun.

Kaset e vo an diviz-mañ d'an Ofis Publik. **Adalek ar c'houlz-se e vo ar gumun e-barzh an testeniekadur « Ya d'ar brezhoneg » ent ofisiel.**

3^e tennad :

Emgav gant ar gazetennerien ha gant an it. / ao. Maer(ez) hag un dileuriad eus an Ofis Publik, evit brudañ er mediaoù an oberoù dibabet.

4^e tennad :

Ober ur bilañs bloaziek eus an oberoù dibabet, gant an 2 zen-dave eus an ti-kêr ha dileuriad an Ofis Publik.

5^{vet} tennad :

3 miz a-raok an termen merket e diviz ar c'huzul-kêr e vo graet un **emvod-stadañ** gant an dud-dave eus ar gumun hag an Ofis Publik evit gallout gwiriekaat an oberoù dibabet ha labelaat ar gumun.

6^{vet} tennad :

Lid labelaat ar gumun : Emgav gant ar gazetennerien ha gant an it. / ao. Maer(ez) hag un dileuriad eus an Ofis Publik.

Skoazell gant Ofis Publik ar Brezhoneg

Skoazellet e vo ar c'humunioù gant Ofis Publik ar Brezhoneg evit seveniñ an oberoù dibabet ganto. En o gourc'hemenn e vo Ofis Publik ar Brezhoneg gant e zaou bol evit ambroug anezho e-pad ma vint war renk an testeniekadur.

Pol Studi ha Diorren

Ajañs diorren

Labour pennañ an Ajañs diorren eo brudañ implij ar brezhoneg war gement tachenn zo er gevredigezh. Ganti e vez kenurzhiet labour an emglev "Ya d'ar brezhoneg" ha testeniekadur ar c'humunioù. Hervez al lec'h m'emañ ho kumun ho po un den-dave a ambrougo hag a alio ac'hanoc'h hed-ha-hed an argerzh. Gallout a reer kontañ war skiant-prenet an Ajañs diorren evit reiñ skoazell war dachenn ar brudañ, ar c'hehentiñ hag ivez ar stummañ e brezhoneg. Talvoudus e c'hallo bezañ sikour an Ajañs diorren evit dont a-benn eus an oberoù-mañ : 15, 16, 19, 22, 23, 25, 26, 28, 29, 30, 34, 35, 36, 37, 38 ha 39.

Ajañs diorren Al Liger-Atlantel / 17, straed Anvoars / 44000 NAONED / pgz : 02 51 82 48 36 / plr : 02 40 89 02 79 / postel : visant.roue@ofis-bzh.org

Ajañs diorren (kroisteiz) Penn-ar-Bed / 8 bis, straed Félix Faure / 29270 KARAEZ-PLOUGËR / pgz : 02 98 99 30 16 / plr : 02 98 99 30 19 / postel : erwan.koadig@ofis-bzh.org

Ajañs diorren (hanternoz) Penn-ar-Bed / 8 bis, straed Félix Faure / 29270 KARAEZ-PLOUGËR / pgz : 02 98 99 30 16 / plr : 02 98 99 30 19 / postel : fanch.jezekel@ofis-bzh.org

Ajañs diorren (kornôg) Aodoù-an-Arvor / Ti ar Vro Treger ha Goueloù / Hent Jean Monnet / 22140 KAWAN / pgz : 02 96 49 12 08 / postel : ofis22@ofis-bzh.org

Ajañs diorren (Reter) Aodoù-an-Arvor / Ti ar Vro Treger ha Goueloù / Hent Jean Monnet / 22140 KAWAN / pgz : 02 96 49 12 05 / postel : judith.castel@ofis-bzh.org

Ajañs diorren Il-ha-Gwilen / 10, straed Naonediz / 35000 ROAZHON / pgz : 02 23 44 04 31 / plr : 02 23 44 04 39 / postel : fulup.travers@ofis-bzh.org

Ajañs diorren ar Mor-Bihan / pgz : 06 87 35 84 85 / postel : ronan.postic@ofis-bzh.org

Arsellva implij ar yezhoù

Plediñ a ra ar servij-mañ gant enklaskoù war stad ar brezhoneg bremañ hag implij ar yezhoù e Breizh. Gantañ e oa bet savet e 2007 un danevell a c'haller daveiñ dezhi : " Ar brezhoneg, e-kreiz ar roudour". Meur a enklask a vez kaset da benn gantañ diwar c'houlenn an dud a zo war an dachenn. Dre se e c'hallo sikour evit an oberoù 21, 24 ha 33.

Arsellva implij ar yezhoù / 10, straed Naonediz / 35000 ROAZHON / pgz : 02 23 44 04 33 / plr : 02 23 44 04 39 / postel : catherine.bouroullig@ofis-bzh.org meriadeg.vallerie@ofis-bzh.org

Pol Yezh

Glad yezhel

War meur a dachenn e labour ar servij-mañ hag en o zouez hini an anvioù-lec'h. Plediñ a ra gant ar pezh labour a zo eus dastum stummoù komzet al lec'hanvioù digant ar vrezhonegerien a-vihanik. Evit meur a gumun dija ez eus bet kaset enklaskoù lec'hanvadurezh da benn gant ar servij, e darempred ingal gant servijoù teknikel an departamantoù. Gantañ eo bet kaset da benn vat raktres ar gartenn-hent kentañ e brezhoneg, a-hend-all. Gallout a raio reiñ dorn evit an oberoù-mañ : 1, 7, 8, 13, 14, 20 ha 32.

Glad yezhel / 8 bis, straed Félix Faure / 29270 KARAEZ-PLOUGËR / pgz : 02 98 99 30 14 / plr : 02 98 99 30 19 / postel : herve.gwegen@ofis-bzh.org

Treiñ-Alliañ

Bastañ a ra ar servij-mañ d'an ezhommoù treiñ hag adlenn hag ober a ra war-dro an teuliadoù penn-da-benn, betek an adlenn. Kalz troidigezhioù a vez kaset da benn gantañ war skoroù a bep seurt : lec'hienn Genrouedad, katalogoù diskouezadegoù, plaketenoù brudañ, rolloù-meuzioù... Ur skoazell brizius-kenañ a c'hallo reiñ, dreist-holl evit an oberoù-mañ : 2, 3, 4, 5, 6, 9, 10, 11, 12, 13, 17, 18, 27, 31 ha 40.

Treiñ-Alliañ / 10, straed Naonediz / 35000 ROAZHON / pgz : 02 23 44 04 35 / plr : 02 23 44 04 39 / postel : olier.armogn@ofis-bzh.org

TermBret, kreizenn dermenadurezh

Gant TermBret e vez harpet diorroadur ar brezhoneg a zo o c'hounit tachennoù nevez (deskadurezh, kenwerzh, armerzh, melestradurezh, teknologiezhioù nevez...). Pouezus e vo kenlabour ar servij-mañ evit kas da benn an oberoù-mañ : 11, 12 ha 14.

TermBret, kreizenn dermenadurezh / 10, straed Naonediz / 35000 ROAZHON / ppx : 02 23 44 04 35 / plr : 02 23 44 04 39 / postel : olier.armogno@ofis-bzh.org

Heuliañ an oberoù

Pa zeuio an termen dibabet gant ar gumun e vo roet an testeniekadur hervez an oberoù sevenet ganti. Evit se e vo heuliet sevenidigezh an oberoù dre ur c'henlabour etre ar gumun sinerez hag Ofis Publik ar Brezhoneg.

A-feur ma vo sevenet an oberoù e kaso ar gumun d'an Ofis Publik an holl deulioù a c'hallo prouiñ eo bet kaset an oberoù dibabet da benn vat. Un den (dilennet pe get) a vo karget eus ar raktres gant ar gumun. Kefridiet e vo an den-se da gelaouiñ Ofis Publik ar Brezhoneg diwar-benn sevenidigezh an oberoù hag an diaesterioù zo bet kavet gant servijoù ar gumun. Gant an eskemm-se e c'hallo an Ofis Publik bastañ gwelloc'h da ezhommoù pennadurezhioù kêr.

Ma ne c'hell ket ar gumun kas da benn unan eus an oberoù dibabet ganti, e c'hallo bezañ savet un diferadenn cheñch a roio tu dezhi da zibab un ober all. Koulskoude ne c'hallor ket lakaat ar c'hemm-mañ da dalvezout evit an oberoù ret (niv. 1 an testeniekadur "Ya d'ar brezhoneg" 01 ; niv. 1, 2, ha 3 an testeniekadur "Ya d'ar brezhoneg" 02 ; niv. 1, 2, 3, 7, 8, 16, 18 ha 28 an testeniekadur "Ya d'ar brezhoneg" 03; niv. 1, 2, 3, 7, 8, 11, 12, 14, 16, 18, 24, 25, 28, 29, 32, 34, 35, 37, 39 ha 40 an testeniekadur "Ya d'ar brezhoneg" 04). N'eus nemet evit an oberoù da choaz gant ar gumun e c'hallo bezañ graet un diferadenn.

Pal ar c'hontrolloù-se eo reiñ al label a vo bet goulennet gant ar gumun ur wech kaset an oberoù dibabet da benn.

Ur wech tapet al label gant ar c'humunioù e vint kontrollet ingal (bep 2 vloaz) evit bezañ sur e talvez c'hoazh an oberoù lakaet e plas ganto. Ma ne glot ket ken divizoù an emglev hag an testeniekadur gant ar wirionez, e vo tennet al label "Ya d'ar brezhoneg" digant ar gumun.

Gant ar c'hontrolloù-se e vo tu da Ofis Publik ar Brezhoneg da c'houzout diouzh an diaezamantoù a c'hallfe bezañ gant ar c'humunioù evit ober traoù e brezhoneg. Dre se e c'hallo Ofis Publik ar Brezhoneg mont war-raok gant e servijoù a-benn bastañ gwelloc'h ha buanoc'h da ezhommoù ar c'humunioù. Aesaet e vo labour Arsella implij ar yezhoù ivez evit sevel ur gwir vilañs war plas ar brezhoneg e buhez ar c'humunioù.

Evit echuiñ, gant an doare-se da heuliañ an oberoù e vo kred gant al label "Ya d'ar brezhoneg" a vo roet d'ar c'humunioù.



TESTENIEKADUR "YA D'AR BREZHONEG"

Goulenner

Anv ar gumun : **MELLAG**

Chomlec'h post an ti-kêr : **Ar Vourc'h – 29 300 MELLAG**

Anv ha karg ar siner : **Bernard Pelleter - Maer**

Dilennad e karg da gas ar raktres war-raok en anv an ti-kêr (anv ha karg) :

Gwazour tiriadel karget da gas ar raktres war-raok en anv an ti-kêr (anv ha karg) :

Pgz : 02 98 71 80 63

Plr : 02 98 71 80 36

Postel : mairie.mellac@wanadoo.fr

Goulenn testeniekaat

YA D'AR BREZHONEG 01

YA D'AR BREZHONEG 02

YA D'AR BREZHONEG 03

YA D'AR BREZHONEG 04

Amzer dibabet evit seveniñ an oberoù

A-benn bloaz

A-benn 2 vloaz

A-benn 3 bloaz

Kaset da benn dija

40 OBER - 3 ZACHENN LABOUR

Ur politikerezh **treuz** eo ar politikerezh yezh, dre natur. Abalamour da se e tleer labourat war meur a dachenn war un dro.

Setu ez erbed an Ofis Publik, evit ur politikerezh yezh kempouez, dibab oberoù e pep hini eus an **3 zachenn labour** displeget amañ dindan.

1^{añ} tachenn labour ar politikerezh yezh :

Lakaat ar brezhoneg war wel

Pouezus eo e vefe gwelet ar yezh bemdez evit ma vo ar yezh-se ur mad boutin d'an holl (d'ar re a gomz anezhi ha d'ar re na reont ket), evit m'o do fiziañs ar gomzerien anezhi ha ma komzint o yezh er-maez eus o ziegezh, evit ma vo dedennet gant ar yezh ar re na gomzont ket anezhi hag evit ma vo doujet ar yezh gant ar re-se. Graet e vez endro yezhel eus an dra-se.

Ur yezh na vez ket gwelet zo ur yezh n'eus ket anezhi. Abalamour da se e kinnigomp deoc'h amañ dindan un dibab :

- 11 ober a denn da banelloù kêr
- 9 ober a denn d'ar skoroù kehentiñ ensavadurel

Evit a sell ouzh ar panellerezh :

Kod Ofis*		
1	Staliañ panelloù divyezhek evit mont e-barzh ha mont e-maez ar gumun (font ha ment al lizherennoù heñvel en 2 yezh)	<input checked="" type="checkbox"/>
32	Staliañ plakenoù-straed divyezhek pa vez badezet ur straed nevez pe pa vez cheñchet ar plakenoù kozh	<input type="checkbox"/>
7	Staliañ plakenoù straed en div yezh war takad ar gumun	<input checked="" type="checkbox"/>
11	Panellerezh diabarzh ha diavaez an ti-kêr en div yezh	<input checked="" type="checkbox"/>
12	Panellerezh divyezhek e diavaez ar savadurioù a zo e dalc'h an ti-kêr	<input type="checkbox"/>
13	Lakaat glad ar gumun war wel en div yezh	<input type="checkbox"/>
14	Staliañ ur panellerezh-heñchañ divyezhek war takad ar gumun	<input type="checkbox"/>
20	Kefridiañ Ofis Publik ar Brezhoneg da sevel ur studiadenn war lec'hanvioù ar gumun evit ma vo reizhet o skritur war ar panelloù	<input type="checkbox"/>
26	Skoazell arc'hant d'ar staloù kenwerzh a fell dezho lakaat an div yezh war wel da vat	<input type="checkbox"/>
27	Ober gant an div yezh bep tro ma vez staliet ur panellerezh nevez	<input type="checkbox"/>
38	Enskrivañ an divyezhegezh er galvoù graet ouzh an embregerezhioù	<input type="checkbox"/>

* Ar « Chod Ofis » zo ur c'hod a implijomp e diabarzh an Ofis Publik evit heuliañ ar strollegezhioù lec'hel. Implijit anezhañ, mar plij, e-pad ho kuzuliadeg diwar-benn sinadur ar Garta.

Evit a sell ouzh ar binvioù kehentiñ ensavadurel :

Kod Ofis*		
8	Logo an ti-kêr en div yezh	<input type="checkbox"/>
2	Kartennoù-pediñ en div yezh evit an abadennoù sevenadurel aozet gant an ti-kêr	<input type="checkbox"/>
10	Pedadennoù en div yezh evit an abadennoù aozet gant an ti-kêr (estreget abadennoù sevenadurel)	<input type="checkbox"/>
4	Lakaat enlinenn ur stumm e brezhoneg eus lec'hienn Genrouedad an ti-kêr	<input type="checkbox"/>
9	Pennad-stur divyezhek er c'hannadig-kêr	<input type="checkbox"/>
6	Paperoù talbennet en div yezh	<input type="checkbox"/>
5	Kartennoù-bizit en div yezh evit an dilennidi a c'houlenn	<input checked="" type="checkbox"/>
31	Implijout ar brezhoneg war ar panelloù kelaouiñ elektronek	<input type="checkbox"/>
16	Reiñ da anavezout an emglev "Ya d'ar Brezhoneg" da embregerezhioù, stalioù ha kevredigezhioù ar gumun	<input type="checkbox"/>

Evit un divyezhegezh a-zoare ha padus, ez aliomp ac'hanoc'h da zibab an ober-mañ :

28	Sinañ ur gevrat-kefridi gant Ofis Publik ar Brezhoneg evit ma pado an oberoù hag evit heuliañ anezho	<input type="checkbox"/>
----	---	--------------------------

* Ar « C'hod Ofis » zo ur c'hod a implijomp e diabarzh an Ofis Publik evit heuliañ ar strollegezhioù lec'hel. Implijit anezhañ, mar plij, e-pad ho kuzuliadeg diwar-benn sinadur ar Garta.

2^l tachenn labour ar politikerezh yezh :

Skignañ an anaoudegezh eus ar yezh

Ur yezh, evit bevañ ha bleuniañ en ur gevredigezh, a rank kaout un niver bras a-walc'h a gomzerien en holl remziadoù. Evit an endro yezhel divyezhek da c'hoari e roll, e ranker war un dro ober diouzh ma kresko an niver a dud a gomz ar yezh.

Hollbouezus eo skignañ an anaoudegezh eus ar yezh evit suraat an amzer da zont anezhi, setu e kinnigomp deoc'h amañ dindan un dibab :

- 7 ober a denn d'an holl remziadoù

Kod Ofis*		
24	Ober un enklask war soñj kerent ar gumun a-benn gouzout pegen dedennet ez int gant ar c'helenn divyezhek	<input type="checkbox"/>
34	Skoazell arc'hant ha/pe teknikel evit sevel ur vagouri vrezhonek er gumun pe er gumuniezh-kumunioù	<input type="checkbox"/>
25	Skoazell arc'hant pe skoazell deknikel evit staliañ pe diorren klasoù divyezhek er gumun	<input type="checkbox"/>
36	Sevel un emglev gant ar c'humunioù tro-dro a zegemer bugale ar gumun en o skol divyezhek	<input type="checkbox"/>
35	(Ken)arc'hantaouiñ pe sevel kentelioù tañva d'ar brezhoneg e skolioù ar gumun	<input type="checkbox"/>
15	Kemer perzh er c'houlzad bloaziek da vrudañ ar c'helenn brezhoneg evit an oadourien (pennad e kazetenn ar gumun, skignañ skritelloù...)	<input checked="" type="checkbox"/>
33	Ober e vad eus an niveradeg evit gouzout pet a dud er gumun a oar brezhoneg	<input type="checkbox"/>

* Ar « C'hod Ofis » zo ur c'hod a implijomp e diabarzh an Ofis Publik evit heuliañ ar strollegezhioù lec'hel. Implijit anezhañ, mar plij, e-pad ho kuzuliadeg diwar-benn sinadur ar Garta.

3^e tachenn labour ar politikerezh yezh :

Implijout ar yezh dre gomz en darempredoù gant an dud

Evit ma vevo ar yezh war an dachenn foran e tleer ober diouzh ma vo muioc'h-mui tro da glevet anezhi ha d'ober ganti bemdez, en darempredoù labour pe gant ar geodedourien.

Ur politikerezh yezh foran a dalvez e vez implijet ar yezh e diabarzh an ensavadurioù kenkoulz hag en diavaez anezho, setu e kinnigomp deoc'h amañ dindan un dibab :

- 12 ober a denn da vuhez pemdez an ti-kêr

Kod Ofis*		
21	Aozañ un enklask da c'houzout piv a oar brezhoneg e-touez implijidi an ti-kêr	<input type="checkbox"/>
22	Arc'hantaouiñ stummadur micherel an implijidi kêr a fell dezho deskiñ brezhoneg pe gwellaat o yezh	<input type="checkbox"/>
23	Reiñ da welet splann d'an dud e c'hallont bezañ degemeret e brezhoneg gant ar servijoù kêr	<input type="checkbox"/>
39	Kemer e kont ar barregzhioù e brezhoneg er c'hinnigoù-labour	<input type="checkbox"/>
37	Skoazell arc'hant ha/pe teknikel evit sevel ur greizenn dudi vrezhonek	<input type="checkbox"/>
3	Kemennad divyezhek war responter an ti-kêr	<input checked="" type="checkbox"/>
18	Reiñ teulioù divyezhek d'an dud evit an aktaoù stankañ/boas (levrig-familh , eured, ganedigezh, marv...)	<input type="checkbox"/>
19	Reiñ da c'houzout d'an dud e c'hall bezañ lidet o eured en div yezh	<input type="checkbox"/>
40	Kinnig un degemer divyezhek e-pad prezegennoù al lidoù ofisiel	<input type="checkbox"/>
17	Div yezh war kirri an ti-kêr ha / pe dafar ar gumun	<input type="checkbox"/>
29	Kaout un dalc'had levrioù brezhonek e levraoueg an ti-kêr hag e voueta ingal gant levrioù nevez-embannet	<input checked="" type="checkbox"/>
30	Ober diouzh ma vo bep bloaz abadennoù e brezhoneg e kreizenn sevenadurel ar gumun	<input type="checkbox"/>

* Ar « C'hod Ofis » zo ur c'hod a implijomp e diabarzh an Ofis Publik evit heuliañ ar strollegezhioù lec'hel. Implijit anezhañ, mar plij, e-pad ho kuzuliadeg diwar-benn sinadur ar Garta.

GOULENN TESTENIEKAAT "YA D'AR BREZHONEG"

Kumun **MELLAG**

a c'houlenn bezañ war renk an testeniekadur
YA D'AR BREZHONEG 01

a ouestl kas da benn an oberoù dibabet ganti zo amañ da-heul :
1, 3, 5, 7, 11, 15, 29

a ouestl seveniñ anezho a-benn :
2 vloaz

Evit kas an oberoù-se da benn e kenlabouro ar gumun gant Ofis Publik ar Brezhoneg.

Graet e Mellag,

D'al Lun unan-warn-urgent a viz C'hwevrer daou vil unnek


Bernard **PELLETER**
Maer

Hensec



E. Louarn
Evit Lena **LOUARN**
Prezidantez
Erwan Ar C'hoadig